


後漢書

志廿六之八



		二	漢
	八	一	書
五	四	一	門
〇	二	九	
冊	架	函	號
		類	

庫 文 閣 內		
三	二	漢
九	一	書
函	〇	
二	五	
四	一	
架	冊	號
		類

內 閣 文 庫		
番 號	漢	2141
冊 數	50	(14)
函 號	279	80





後漢書志第二十六

百官三 宗正少府

劉 昭 注補

大司農

宗正卿一人中二千石本注曰掌序錄王國
嫡庶之次及諸宗室親屬遠近郡國歲因計

上宗室名籍若有犯法當髡以上先上諸宗

正宗正以聞乃報決 胡廣曰又歲一治諸王

負吏四十一人其六人四科一人二百石四
人百石三人佐六人騎吏二人法家八十人

學事一 丞一人比千石

諸公主每主家令一人六百石丞一人三百

石本注曰其餘屬吏增減無常漢書曰主簿

石僕一人秩六百石私府長一人秩六百石

家丞一人三百石直吏三人從官三人東觀

書曰其主薨無子

置傳一人守其家

如淳曰
主罪人

右屬宗正本注曰中興省都司空令丞

大司農卿一人中二千石本注曰掌諸錢穀

金帛諸貨幣郡國四時上月旦見錢穀簿其

逋未畢各具別之邊郡諸官請調度者皆為

報給損多益寡取相給足漢書曰負吏百六

四科九人斗食十六人二百石文學二十人
百石二十五人佐七十五人學事一人官醫

丞一人比千石部丞一人六百石本注曰部

丞主帑藏古今注曰建初七年七月為大司
農置丞一人秩千石別主帑藏則

辭丞應是而秩不同應
劾漢官秩亦云二千石

太倉令一人六百石本注曰主受郡國傳漕

穀漢官曰負吏
九十九人丞一人

平準令一人六百石本注曰掌知物賈主練

染作采色漢官曰負吏
百九十八人丞一人

導官令一人六百石本注曰主春御米及作

乾精導擇也

漢官曰負吏百一十二人

丞一人

餘未及於

右屬大司農本注曰郡國鹽官鐵官本

屬司農中興皆屬郡縣魏志曰曹公置典農中郎將秩

二千石典農都尉秩六百石或四百石典農校尉秩比二千石所主如中郎部

分別而少又有廩犧令六百石掌祭祀

犧牲鴈鶩之屬漢官曰丞一人三百石負吏四十人其十一人

斗食十七人佐七人學事五人及雒陽

市長漢官曰市長一人秩四百石丞一

十三人百石嗇夫十一人斗食十二人佐又有檄擢丞三百石別治中水官主

水渠在馬市東有負吏六人滎陽教倉官中興皆屬

河南尹餘均輸等皆省均輸者前書孟康注曰謂諸當

所有輸於官者皆令輸其土地所饒平其所

伊而官有利鹽鉄論大夫曰往者郡國諸侯各以其物貢輸往來煩雜物多苦

惡或不償其費故部置輸官以相給運而便遠方之貢故曰均輸開委府于京

師以籠貨物賤則買貴則賣是以縣官不失實商賈無所利故曰平準準平則

民不失職均輸則民不劬勞故平準均輸所以平萬物而便百姓也文學曰古

之賦稅於民也因其所工不求所拙農人納其權工女效其織今釋其所有責

其所無百姓賤買貨物以便上求閒者郡國或令民作布絮吏畜難與之為市

吏之所入非獨齊陶之繼蜀漢之布也亦民間之所為耳行姦賣平農民重苦必苦女工繭稅未見輸之均也縣官猥發闔門擅市即萬民金收並收則物騰躍騰躍則商賈利自市則吏容姦豪吏富商積貨儲物以待其急輕賈姦吏收以取貴未見準之平也蓋古之均輸所以齊勞逸而便貢輸非以為利而賈萬物也王隆小學漢官篇曰調均報度輸漕委輸胡廣注曰邊郡諸官請調者皆為調均報給之也以水通輸曰漕委積也郡國所積聚金帛貨賄隨時輸送諸司農曰委輸以供國用前書又有都內籍田令丞幹官織市卿長丞郡國諸倉農監六十五官長丞皆屬之

少府卿一人中二千石本注曰掌中服御諸

物衣服寶貨珍膳之屬

漢官曰負吏三十四人其一人四科一人

二百石五人百石四人斗食三人佐六人騎吏十三人學事一人官醫少者小也小故稱

少府王者以租稅為公用山澤陂池之稅以共王之私用古皆作小府漢官儀曰田租芻

藁以給經用凶年山澤魚鹽市稅少府以給私用也丞一人比千石

太醫令一人六百石本注曰掌諸醫

漢官曰負吏十九人藥丞方丞各一人本注曰藥丞

主藥方丞主藥方

太官令一人六百石本注曰掌御飲食

漢官曰負吏六十九人衛士三十八荀人綽晉百官表注曰漢制太官令秩千石丞四人秩四百石

不與志同左丞甘丞湯官丞果丞各一人本注曰

左丞主飲食甘丞主膳具湯官丞主酒果丞

主果荀綽云甘丞掌諸甘肥果丞別在外諸果菜茹

守宮令一人六百石本注曰主御紙筆墨及

尚書財用諸物及封泥漢官曰負吏六十九人丞一人

漢官曰外官丞二百石公府吏府也

上林苑令一人六百石本注曰主苑中禽獸

頗有民居皆主之捕得其獸送太官漢官曰負吏五十八人按桓帝

丞尉各一人又置鴻德苑令

侍中比二千石漢官秩云千石周禮太僕于寶注曰若漢侍中本注

曰無負掌侍左右贊導眾事顧問應對法駕

出則多識者一人參乘餘皆騎在乘輿車後

本有僕射一人中興轉為祭酒或置或否漢儀曰侍中常伯選舊屬高德博學淵懿仰占俯視切問近對喻旨公卿上殿稱制參乘

佩璽秉劔負木八人陪見舊在尚書令僕射下尚書上今官出入禁中更在尚書下司隸

校尉見侍中執板揖河南尹亦如之又侍中舊與中官俱止禁中武帝時侍中莽何羅挾刃謀逆由是侍中出禁外有事乃入畢即出

王莽秉政侍中復入與中官共止章帝元和

中侍中郭舉與後宮通拔佩刀對殿持

驚上舉伏誅侍中由是復出外

中常侍千石本注曰宦者無負後增秩比二千石掌侍左右從入內宮贊導內眾事顧問

應對給事

黃門侍郎六百石本注曰無負掌侍從左右

給事中關通中外及諸王朝見於殿中引王

就坐

漢舊儀曰黃門郎屬黃門令日暮入對青瑣門拜名日夕郎宮閣簿青瑣門在

南宮衛瑾注吳都賦曰青瑣戶邊青鏤也一日天子門內有眉格再重裏青畫曰瑣獻帝

起居注曰帝初即位初置侍中給事黃門侍郎負各六人出入禁中近侍帷幄省尚書事

改給事黃門侍郎為侍中侍郎去給事黃門之號旋復復故舊侍中黃門侍郎以在中宮

者不與近密交政誅黃門後侍中侍郎出入禁闈機事頗露由是王允乃奏比尚書不得出入不通賓客自此始也又曰諸奄人官悉以議郎郎中稱秩如故諸署令兩梁冠陞殿上得召都官從事以下

小黃門六百石宦者無負掌侍左右受尚書

事上在內宮關通中外及中宮已下眾事諸

公主及王王太妃等有疾苦則使問之

黃門令一人六百石

董巴曰禁門曰黃闥以中人主之故號曰黃門

令本注曰宦者主省中諸宦者

漢官曰負丞吏十八人

從丞各一人本注曰宦者從丞主出入從

黃門署長畫室署長玉堂署長各一人丙署
長七人皆四百石黃綬本注曰宦者各主中
宮別處一人六百石
中黃門冗從僕射一人六百石本注曰宦者
主中黃門冗從居則宿衛直守門戶出則騎
從夾乘輿車
中黃門比百石本注曰宦者無負後增比三
百石掌給事禁中
掖庭令一人六百石本注曰宦者掌後宮貴

入采女事漢官曰吏從官百六十七人左右丞
暴室丞各一人本注曰宦者暴室丞主中婦
人疾病者就此室治其皇后貴人有罪亦就
此室一人三百石本注曰宦者
永巷令一人六百石本注曰宦者典官婢侍
使漢官曰負吏六人丞一人本注曰宦者漢
曰右丞一人
暴室一人
御府令一人六百石本注曰宦者典官婢作
中衣服及補浣之屬漢官曰負吏七人丞織

室丞各一人本注曰宦者

漢官曰右丞一人

祠祀令一人六百石本注曰典中諸小祠祀

漢官曰從官吏八人駟僕射一人家丞八人

丞一人本注曰宦者

鈞者令一人六百石本注曰宦者典諸近池

苑囿遊觀之處

漢官曰吏從官四十八人負吏四十八人

丞永安

丞各一人三百石本注曰宦者永安北宮東

北別小宮名有園觀苑中丞果丞鴻池丞南

園丞各一人二百石本注曰苑中丞主苑中

離宮果丞主果園鴻池池名在雒陽東二十

里南園在雒水南

漢官曰又有署一人胡熟監一人按本紀桓帝又置

顯陽苑丞

濯龍監

應劭漢官秩六百石

直里監各一人四

百石本注曰濯龍亦園名近北宮直里亦園

名也在雒陽城西南角

中藏府令一人六百石本注曰掌中幣帛金

銀諸貨物

漢官曰負吏十三人

丞一人

內者令一人六百石本注曰掌中布張諸衣

物

漢官曰從官錄事一人負吏十九人

左右丞各一人

尚方令一人六百石本注曰掌上手工作御

刀劍諸好器物漢官曰負吏十二人丞一人

尚書令一人千石本注曰承秦所置荀綽晉百官表

注曰唐虞官也詩云仲山甫王之喉舌蓋謂此人武帝用官者更為

中書謁者令成帝用士人復故掌凡選署及

奏下尚書曹文書眾事蔡質漢儀曰故公為之者朝會不陞奏事

增秩二千石故自佩銅印墨綬

尚書僕射一人六百石本注曰署尚書事令

不在則奏下眾事蔡質漢儀曰僕射主封門掌授廩假錢穀九三公列

卿將大夫五營校尉行復道中遇尚書僕射左右丞侍郎御史中丞侍御史皆避車豫相迴

避衛士傳不得迂臺官過後乃後去臣

昭按獻帝分置左右僕射建安四年以榮邵為尚書左僕射是也獻帝起居注曰邵卒官贈執金吾

尚書六人六百石本注曰成帝初置尚書四

人韋昭曰尚奉也分為四曹漢舊儀曰初置五曹有三公曹主斷獄蔡質漢

儀曰典天下歲盡集課事三公尚書二人典三公文書吏曹尚書典選舉齋祀屬三公曹

靈帝末梁鵠為選部尚書常侍曹尚書主公卿事蔡質漢儀曰主

常侍黃門御史事二千石曹尚書主欲國二

世祖改曰吏曹

千石事漢舊儀曰亦云主刺史蔡質漢儀曰掌中郎官水火盜賊辭訟罪背民

曹尚書主凡吏上書事蔡質漢舊儀曰典繕治功作監池苑園盜

賤客曹尚書主外國夷狄事尚書龍作納言出入帝命應劭

曰今尚書官世祖承遵後分二千石曹又分

客曹為南主客曹北主客曹蔡質漢儀曰天子出獵駕御府

曹郎屬之凡六曹周禮天官有司會

左右丞各一人四百石本注曰掌錄文書期

會左丞主吏民章報及駟伯史蔡質漢儀曰摠典臺中綱

紀無所不統右丞假署印綬及紙筆墨諸財用庫

藏蔡質漢儀曰石丞與僕射對掌授廩假錢穀與左丞無所不統凡中官漏夜盡鼓鳴

則起鐘鳴則息衛士甲乙檄相傳甲夜畢傳乙夜相傳盡五更衛士傳言五更未明三刻

後雞鳴衛士踵丞郎趨嚴上臺不畜官中雞

汝南出雞鳴衛士候朱雀門外專傳雞鳴於

宮中應劭曰楚歌今雞鳴歌也晉太康地道

記曰後漢固始銅陽公安細陽四縣衛士習

此曲於闕下歌之今雞鳴是也

侍郎三十六人四百石本注曰一曹有六人

主作文書起草蔡質漢儀曰尚書郎初從三署請臺試初上臺稱守尚書

郎中歲滿稱尚書郎三年稱侍郎客曹郎主

治荒胡車劇遷二千石或刺史其公遷為縣

令秩滿自占縣去詔書賜錢三萬與三臺祖
餞餘官則否治嚴一月準謁公卿陵廟乃發
御史中丞遇尚書丞郎避車執板住揖丞郎
坐車舉手禮之車過遠乃去尚書言左右丞
敢告知如詔書律令郎見左右丞對揖無敬
稱曰左右君丞郎見尚書執板對揖稱曰明

時見令僕射執板拜朝賀對揖

令史十八人二百石本注曰曹有三主書後

增劇曹三人合二十一入古今注曰永元三年七月增尚書令

史負功滿未嘗犯禁者以補小縣墨綬蔡質

日皆選蘭臺符節上稱簡精練有吏能為之

決錄注曰故事尚書郎以令史又缺補之世

祖始改用孝廉為郎以孝廉丁邯補焉邯稱

疾不就詔問實病羞為郎乎對曰臣實不病

恥以孝廉為令史職耳世祖怒曰虎賁滅頭

杖之數十詔問欲為郎不邯曰能殺臣者陛

下不能為郎者臣中詔遣出竟不為郎邯字

叔春京兆陽陵人也有高節正直不撓後拜

汾陰今治有名迹遷漢中太守妻弟為公孫

述將收妻送南鄭獄免冠冠徒跪自陳詔曰漢

中太守妻乃繫南鄭獄誰當搔其背垢者懸

符節令一人六百石本注曰為符節臺率主

符節事凡遣使掌授節尚符璽郎中四人本

注曰舊二人在中主璽及虎符竹符之半者

漢官曰嘗得明法律郎周禮掌節有虎節龍

節皆金也于寶注曰漢之銅虎符則其制也

周禮又曰以英蕩輔之于寶曰英刻書也蕩

掌書

魏氏春秋曰中平六年始復節上赤葆

亦取則於故事也

符節今史二百石本注曰

御史中丞一人千石本注曰御史大夫之丞

也舊別監御史在殿中密舉非法周禮掌建邦之官刑

以主治王官之政令于及御史大夫轉為司

空因別留中為御史臺率風俗通曰尚書御史臺皆以官蒼頭

為吏主賊舍凡守其門戶蔡質漢儀曰丞故二千石為之或遷侍御史高第執憲中司朝

會獨坐內堂蘭臺督諸州刺史糾察百寮出為二千石魏志曰建安置御史大夫不領中丞置長

後又屬少府治書侍御史二人六百

石本注曰掌選明法律者為之凡天下諸讞

疑事掌以法律當其是非蔡質漢儀曰選御史高第補之胡廣

日孝宣感路溫舒言秋季後請讞時帝幸宣室齋居而決事令侍御史二人治書御史起

此後因別置冠法冠秩百石有印綬與符節郎共平廷尉奏事罪當輕重荀綽晉百官表

注曰惠帝以後無侍御史十五人六百石本

注曰掌察舉非法受公卿群吏奏事有違失

舉劾之凡郊廟之祠及大朝會大封拜則一

人監威儀有違失則劾奏蔡質漢儀曰其二

中者皆糾察百官督州郡公法府掾屬高第補之初稱守滿歲拜真出治劇為刺史二千

石平遷補令見

蘭臺令史六百石本注曰掌奏及印工文書

右屬少府本注曰職屬少府者自太醫

上林凡四官自侍中至御史皆以文屬焉承秦凡山澤陂池之稅名曰禁錢屬少府世祖改屬司農考工轉屬太僕都水屬郡國孝武帝初置水衡都尉秩比二千石別主上林苑有離宮燕休之處世祖省之并其職於少府每立秋獮獍之日輒暫置水衡都尉事訖乃罷之少府本六丞省五又省湯官織室令置丞又省上林十池監胞入長丞官者昆臺

昆臺本名甘泉居室武帝改

飲飛

飲飛本名左弋武帝改

三令

二十一丞又省水衡屬官令長丞尉二十餘人章和以下中官稍廣加嘗藥太官御者鈎者尚方考工別作監皆六百石宦者爲之轉爲兼副或省故錄本官

蔡質漢儀曰少府符著出見都官從事持板都官從事入少府見符著持板漢官目錄曰古三卿司空所部

後漢書志第二十六

王師道校正

後漢書志第二十六
王師道校正
宮中則金吾
執金吾一人
中二千石
本注曰掌
執金吾
太子太傅
太子少傅
城門校尉
司隸校尉
胡廣曰衛尉巡行
宮中則金吾
外相為表裏
以擒姦討猾
月三繞行
宮外及主兵器
吾猶
應劭曰執金革以
擊非常漢官曰負吏
二十九人
其十人
四科一人
二百石
文
學三人
百石
二人
斗食
丞一人
比千石
漢官
十三人
佐學事
注緹騎
六百石
緹騎二百人
本注曰無秩比吏食奉
漢官

後漢書志第二十七

劉 照 注補

百官四

執金吾 太子太傅 太子少傅
大長秋 城門校尉 司隸校尉
將作大匠 北軍中候

執金吾一人中二千石
漢官秩云
本注曰掌

宮外戒司非常水火之事
胡廣曰衛尉巡行
宮中則金吾

外相為表裏
以擒姦討猾
月三繞行
宮外及主兵器
吾猶

禦也
應劭曰執金革以
擊非常漢官曰負吏
二十九人
其十人
四科一人
二百石
文

學三人
百石
二人
斗食
丞一人
比千石
漢官

十三人
佐學事
注緹騎
六百石
緹騎二百人
本注曰無秩比吏食奉
漢官

曰執金吾緹騎二百人五百二十人輿服導
從光滿道路群僚之中斯最壯矣世祖歎曰
仕宦當作
執金吾

武庫令一人六百石本注曰主兵器丞一人

右屬執金吾本注曰本有式道左右中

候三人六百石車駕出掌在前清道還

持麾至宮門宮門乃開中興但一人又

不常置每出以郎兼式道候事已罷不

復屬執金吾又省中壘寺互都船令丞

尉及左右京輔都尉

太子太傅一人中二千石本注曰職掌輔導

太子禮如師不領官屬荀綽晉百官表注曰唐虞官

大長秋一人二千石本注曰承秦將行宦者

景帝更爲大長秋或用士人中興常用宦者

職掌奉宣中宮命凡給賜宗親及宗親當謁

見者關通之中宮出則從張晏曰皇右卿丞一人六

百石本注曰宦者

中宮僕一人千石本注曰宦者主馭本注曰

太僕秩二千石中興省太減秩二千石以屬

長秋為二千石中興晉大秋為二千石

中宮謁者令一人六百石本注曰宦者中宮

謁者三人四百石本注曰宦者主報中章

中宮尚書五人六百石本注曰宦者主中文

書掌奉宣中宮命以給諸卿大夫宗族

中宮私府令一人六百石本注曰宦者主中

藏幣帛諸物裁衣被補浣者皆主之丁孚漢儀曰中

宮藏府令秩千丞一人注曰宦者儀曰中

中宮永巷令一人六百石本注曰宦者主宮

入丞一人本注曰宦者

中宮黃門冗從僕射一人六百石本注曰宦

者主中黃門冗從丁孚漢儀曰給事中官侍

郎六人比尚書郎官者為

中宮署令一人六百石本注曰宦者主中宮

請署天子數女騎六人丞復道丞各一人本

注曰宦者復道丞主中閣道

中宮藥長一人四百石本注曰宦者

右屬大長秋本注曰承秦有詹事一人

位在長秋上亦宦者主中諸官成帝省
之以其職并長秋是後皇后當法駕出
則中謁中宦者職吏權兼詹事奉引訖
罷宦者誅後尚書選兼職吏一人奉引
云其中長信長樂宮者署少府一人職
如長秋及餘吏皆以宮名為號負數秩
次如中宮長樂五官吏朱本注曰帝祖
毋稱長信宮故有長信少府長樂少府
位在長秋上及職吏皆宦者秩次如中

宮長樂又有衛尉僕為太僕皆二千石

在少府上

丁孚漢儀曰
丞六百石

其崩則省不常

置

太子少傅二千石本注曰亦以輔導為職悉

主太子官屬

漢官曰負
吏十三人

太子率更令一人千石本注曰主庶子舍人

更直職似光祿

太子庶子四百石本注曰無負如三署中郎

太子舍人二百石本注曰無負更直宿衛如

三署郎中

漢官曰十三人
選良家子孫

太子家令一人千石本注曰主倉穀飲食職
似司農少府

太子倉令一人六百石本注曰主倉穀

太子食官令一人六百石本注曰主飲食

太子僕一人千石本注曰主車馬職如太僕

太子廡長一人四百石本注曰主車馬

太子門大夫六百石漢官曰門大夫二人
選四府掾屬本注

曰舊注云職比郎將舊有左右戶將別主左

右戶直郎建武以來省之

太子中庶子六百石本注曰負五人職如侍

中

太子洗馬比六百石本注曰舊注云負十六

人職如謁者太子出則當直者在前導威儀

漢官曰選
郎中補也

太子中省一人四百石本注曰主周衛徵循

太子衛率一人四百石本注曰主門衛士

右屬太子少傅本注曰凡初即位未有

太子官屬皆罷唯舍人不省領屬少府

將作六匠一人二千石蔡質漢儀曰位次河南尹光武中元二年

省謁者領之章帝建初元年復置本注曰承秦曰將作少府

景帝改為將作大匠掌修作宗廟路寢宮室

陵園木土之功并樹桐梓之類列于道側漢官

篇曰樹栗椅桐梓胡廣曰古者列樹以表道並以爲林園四者皆不名治宮室并主之毛

詩傳曰椅梓屬也陸機草木疏曰梓實桐皮曰椅今民云梧桐是也梓今人所謂梓楸者是也

丞一人六百石

左校令一人六百石本注曰掌左工徒丞一

人安帝復也

右校令一人六百石本注曰掌右工徒丞一

人安帝復也

右屬將作大匠前書曰屬官又有左右中候右庫東園王章左

右前後中校士令丞成帝省

城門校尉一人比二千石本注曰掌雒陽城

門十二所周禮司門于寶注曰如今校尉

司馬一人千石本注曰主兵城門每門候一

人周禮每門下士二人于寶曰如今門候六百石蔡質漢儀曰門候見校尉

執板本注曰雒陽城十二門其正南一門曰

平城門漢官秩曰平城門為官門不置候置

武十四年九月開平城門北宮門屬衛尉其

餘上西門漢家初成丹鏤之李尤銘曰上

西在季位雍門銘曰雍門處廣陽門銘曰廣

在申津門銘曰津名自小苑門開陽門應劭

曰開陽門始成未有名宿昔有一柱來在樓

上琅邪開陽縣上言縣南城門一柱飛去光

武皇帝使來識視悵然遂堅縛之刻記其耗

年銘曰耗門值中東門銘曰中東處上東門

陽厥位在寅穀門銘曰穀門北夏門銘曰夏

在亥凡十二門蔡贊漢儀曰雒陽二十四街

右屬城門校尉

北軍中候一人六百石本注曰掌監五營漢

曰負吏七人候自得辟召通大鴻臚一人斗食

屯騎校尉一人比二千石本注曰掌宿衛兵

漢官曰負吏百二十司馬一人千石蔡贊漢

營司馬見校尉執板不拜

越騎校尉一人比二千石如淳曰越人內附以為騎也晉灼曰

取其才力超越也案紀光武改青巾右校尉

為越騎校尉臣昭曰越人非善騎所出晉灼

允本注曰掌宿衛兵蔡質漢儀亦曰掌越騎

人領士七百人司馬一人千石初置掌上林苑

步兵校尉一人比二千石門屯兵見前書本

注曰掌宿衛兵漢官曰負吏七十司馬一人

千石如淳曰長水胡名

長水校尉一人比二千石也韋昭曰長水校

尉典胡騎廐近長水胡以本注曰掌宿衛兵

為名長水蓋中小水名蔡質漢儀曰主長水宜曲胡騎漢官曰負司

吏百五十七人烏桓胡騎七百三十六人

馬胡騎司馬各一人千石本注曰掌宿衛主

烏桓騎

射聲校尉一人比二千石服虔曰工射也冥

之故以本注曰掌宿衛兵蔡質漢儀曰掌待

為名負吏百二十九人領士七百

右屬北軍中候本注曰舊有中壘校尉

領北軍營壘之事有胡騎虎賁校尉皆

武帝置中興省中壘但置中候以監五

營胡騎并長水虎賁主輕車并射聲按

駕鹵簿五校在前
各有鼓吹一部

凡中二千石丞比千石真二千石丞長
史六百石比二千石丞比六百石令相
千石丞尉四百石其六百石丞尉三百
石長相四百石及三百石丞尉皆二百
石諸侯公主家丞秩皆比百石諸邊鄣
塞尉諸陵校尉長皆二百石有常例者
不署秩

司隸校尉一人比二千石

蔡質漢儀曰職在
典京師外郎諸郡

無所不糾封侯外戚三公以下無尊卑
入宮開中道稱使者每會後到先去
本注

曰孝武帝初置荀綽晉百官表注曰司隸校
尉周官也征和申陽石公主

巫蠱之獄起乃依周置司隸臣
昭曰周無司隸豈即可冠乎持節掌察舉

百官以下及京師近郡犯法者前書曰置從
中都官徒千

二百人捕巫蠱督
大姦猾後罷其兵元帝去節成帝省建武中

復置并領一州蔡質漢儀曰司隸詣臺廷議
慶丸卿上朝賀處公卿下階

卿上初除謁大將軍三公通謁持板揖公儀
朝賀無敬臺召入宮對見尚書持板朝賀揖

從事史十二人本注曰都官從事主察舉百

官犯法者蔡質漢儀曰都官主雒陽百官朝
會與三府掾司博物記曰中興以

來都官從事多凡功曹從事主列選署及衆
之河內掾擊貴厥厥事別駕從事校尉行部則奉引錄衆事簿曹
從事主財穀簿書其有軍事則置兵曹從事
主兵事其餘部郡國從事每郡國各一人主
督促文書察舉非法皆州自辟除故通爲百
石云假佐二十五人本注曰主簿錄閣下事
省文書門亭長主列正門功曹書佐主選用
孝經師主監試經月令師主時節祠祀律令
師主平法律簿曹書佐主簿書其餘都官書

佐父每郡國各有典郡書佐一人各主一郡
文書以郡吏補歲滿一更司隸所部郡七
河南尹一人主京都特奉朝請其京兆尹左
馮翊右扶風三人漢初都長安皆秩中二千
石謂之三輔中興都雒陽更以河南郡爲尹
以三輔陵廟所在不改其號但減其秩其餘
弘農河內河東三郡其置尹馮翊扶風及太
守丞奉之本位在地理志

後漢書志第二十七

張卓同胡大明程紹慶校正

後漢書志第二十七... 張卓同胡大明程紹慶校正... 三制史... 南... 人主京... 一吏... 一入...

後漢書志第二十八

劉昭注補

百官五

刑部 縣鄉 亭里 烏桓校尉
護羌校尉
列侯 王國 關內侯 東衛國

四夷國 百官奉

外十有二列每列刺史一人六百石本注曰

秦有監御史監諸郡漢興省之但遣丞相史

分刺諸列無常官孝武帝初置刺史十三人

秩六百石古今注曰常以春分行部郡國各遣一吏迎界上諸書不同也成

帝更為牧秩二千石建武十八年復為刺史

十二人各主一列其一州屬司隸校尉蔡質

曰詔書舊典刺史班宣周行郡國省察治政
黜陟能否斷理冤獄以六條問事非條所問
即不省一條強宗豪右田宅踰制以強陵弱
以衆暴寡二條二千石不奉詔書遵承典制
倍公向私旁詔守利侵漁百姓聚斂爲姦三
條二千石不恤疑獄風厲殺人怒則任刑喜
則任賞煩擾苛暴剝戮黎元爲百姓所疾山
崩石裂妖祥訛言四條二千石選置不平苟
阿所愛蔽賢寵頑五條二千石子弟怙恃榮
勢請託所監六條二千石違公下比阿附豪
強通行貨賂割損政令諸列刺史初除此諸
持板揖不拜獻帝起居注曰建安十八年三
月庚寅省州并郡復禹貢之九州冀州得魏
郡安平鉅鹿河間清河博陵常山趙國渤海
甘陵平原太原上黨西河定襄鴈門雲中五
原朔方代郡東河內涿郡漁陽廣陽右北平上

谷代郡遼東遼東屬國遼西玄菟樂浪九三
十二郡省司隸校尉以司隸部分屬豫州冀
州雍州省涼州刺史以并雍州郡得弘農
京兆左馮翊右扶風上郡安定隴西漢陽北
地武都武威金城西平西郡張掖張掖屬國
酒泉敦煌西海僕興永陽東安南九二十二
郡省交州以其郡屬荊州荊州得交州之蒼
梧南海九真交趾日南與其舊所部南陽章
陵南郡江夏武陵長沙零陵桂陽九十三郡
益列本部郡有廣漢漢中巴郡犍爲蜀郡
河越雋益州永昌犍爲屬國蜀郡屬國廣漢
屬國今并得交州之鬱林合浦凡十四郡豫
別部郡本有潁川陳國汝南沛國梁國魯國
今并得河南滎陽都尉九八郡徐州部郡得
下邳廣陵彭城東海琅邪利城城陽東莞九
八郡青州得齊國北海東萊濟南樂安九五
郡獻帝春秋曰孫權以步騭行交諸列常以
州刺史東觀書曰交趾刺史持節諸列常以

八月巡行所部郡國

胡廣注曰巡謂驛馬也縣次傳駕之以走疾猶

言古錄囚徒

胡廣曰縣邑囚徒皆閱錄視參考辭狀實其真偽有侵究者即

附遂

胡廣曰課第長吏不稱職者為最察

上尤異州又狀州中吏

初歲盡詣京都奏事

民茂才異等歲舉一人胡廣曰所察有條應繩異者輒覆問之不茹

柔吐剛也

歲盡齋所狀納京師名奏事差其

遠近各有常會

中興但因計吏 胡廣曰不復自詣京師其所道皆如舊典

東觀書曰和帝初張酺上言臣聞王者法天

熒惑奏事太微故州牧刺史入奏事可以通

下問知外事也數十年以來重其道歸煩撓

故特止勿奏事今因以為故事臣愚以為刺

吏視事滿歲可令奏事如舊典問州中風俗

心好惡過所道事所聞見考課眾職下章所

告及所自舉有意者賞異之其尤無狀逆詔

書行罪法異勅戒其餘令各敬慎所職於以

衰滅貪邪便佞韓詩外傳曰王者必立牧方

三人所以使闕遠牧眾也遠方之民有飢寒

而不得衣食歛訟而究失職賢而不舉者入

告天子天子於其君之朝也揖而進之日噫

朕之政教有不得爾者邪如何乃有飢寒而

不得衣食歛訟而究失職賢而不舉然後其

君退而與其卿大夫謀之遠方之民聞皆曰

誠天子也夫我居之辟見我之近也我居之

幽見我之明也可欺乎哉故

牧者所以開四目達四聰

皆有從事史假

佐本注曰負職略與司隸同無都官從事其

功曹從事為治中從事豫列部郡國六冀州

部九兗列部八徐州部五青列部六荆列部

七揚州部六益列部十二涼州部十二并州部九幽州部十一交州部七凡九十八其二十七王國相其七十一郡太守其屬國都尉屬國分郡離遠縣置之如郡差小置本郡名世祖并省郡縣四百餘所後世稍復增之臣曰昔在先代列爵殊等九服不同畿荒制異雖猶連帥相司牧伯分長而封疆置限兼庸有數如身之使臂手之使指故能高卑相固遠近維緝群石克穆共康兆庶爰及周衰稍競吞廣邦國侵爭遞懷貪略猶歷數百年乃能成其并一豈非樹之有本使其然乎秦兼天下開設郡縣孤立獨王即以顛亡漢阻因循雖不煩革分置子弟終龕諸呂之難漸剖

列部以域大都之權後嚴安之徒猶怙慨發憤謂千里之威即古之強國慮非安本無窮之計也孝武之末始置刺史監糾非法不過六條傳車周流匪有定鎮秩裁數百威望輕寡得有察舉之勤未生陵犯之釁成帝改牧其萌始大既非識治之主故無取焉爾世祖中興監乎政本復約其職還遵舊制漸親奏事省入惜煩漸得自重之路因茲以降彌於歲年母右當朝多以弱守六合危動四海潰弊財盡力竭綱維撓毀而八方不能內侵諸侯莫敢入伐豈非幹強枝弱控制素重之可致乎至孝靈在位橫流既及劉焉激偽自為身謀非有憂國之心專懷狼據之策抗論昏世薦議愚主盛稱宜重牧伯謂足鎮壓萬里挾姦樹筭苟周一時豈可求為國本長期勝術哉夫聖主御世莫不大庇生民承其休謀傳其典制猶云事又弊生無或通貫故變改正服革異質文分爵三五參差不一况在豎

駿之君挾姦詐之臣共所創置我焉可仍因
大建尊州之規竟無一日之治故焉枚益土
造帝服於岷峩袁紹取冀下制書於燕湖劉
表制南郊天祀地魏祖魏亮遂構皇業漢之
殄滅禍原乎此及臻後代任寄彌廣委之邦
宰之命授之斧鉞之重假之都督之威開之
征討之略晉太康之初武帝亦疑其然乃詔
曰上古及中代或置州牧或置刺史置監御
史皆總綱紀而不賦政治民之事任之諸侯
郡守昔漢末四海崩分因以吳蜀自擅自是
刺史內親民事外領兵馬此一時之宜爾今
賴宗廟之靈士大夫之力江表平定天下合
之為一當輪戰干戈與天下休息諸刑無事
者罷其兵刺史分職皆如漢氏故事出頒詔
條入奏事京城二千石專治民之重監司請
峻於上此經久之體也其便省州牧晉武帝
又見其弊矣雖有其言不卒其事後嗣續繼
牧鎮愈重據地分率竟覆天下昔王畿之大

不遠千里州之所司廣袤兼遠爭強虎視之
辰迂鼎革然之日未嘗不藉蕃兵之權挾董
司之力逼迫伺隙陵奪冲切其甚者臣主揚
其骨肉戰野昆弟鼻懸伯叔屠裂未壯披心
尾大不掉既用此始亦病以終傾軫愈襲莫
或途改致師方有衝壁之痛秦臺有不守之
酷胡羌遞興凶鮮更起摩滅群黎派禍百世
堅冰所勑兼緣茲蠱嗚呼後之聖王必不久
滯斯迹靈長之終當有神筭不然則雄捍反
拒之事懼甚於此心憑強作害之謀方感於
後
凡州所監都為京都置尹一人二千石丞
意

一人每郡置太守一人二千石丞一人郡當

邊戍者丞為長史

古今注曰建武六年三月令郡太守諸侯相病丞長

史行事十四年罷邊郡太守丞長史領丞職

王國之相亦如之每

屬國置都尉一人比二千石丞一人本注曰

凡郡國皆掌治民進賢勸功決訟檢姦常以

春行所主縣勸民農桑振救乏絕秋冬遣無

害吏察訊諸囚平其罪法論課殿最案律有無害者

吏如今言公平吏漢書音義曰文無歲盡遣

吏上計盧植禮注曰計斷九月并舉孝廉郡

口二十萬舉一人典兵禁備盜賊景帝更名

都尉武帝又置三輔都尉各一人譏出入邊

郡置農都尉主屯田殖穀又置屬國都尉主

蠻夷降者中興建武六年省諸郡都尉并職

太守無都試之役古今注曰六年八月省都尉官應劭曰每有劇賊郡

臨時置都尉事訖罷之省關都尉唯邊郡往往置都尉

及屬國都尉稍有分縣治民比郡安帝以荒

犯法三輔有陵園之守乃復置右扶風都尉

京兆虎牙都尉應劭漢官曰蓋天生五材民

兵之設尚矣易稱弦木為弧剡木為矢弧矢

之利以威天下春秋三時務農一時講武詩

義公劉匪居匪康入耕出戰乃裹糒糧干戈

載揚四方莫當自郡國罷材官騎士之後官

後漢書卷八十八

五

後漢書卷八十八

五

其射御用其戒誓一旦驅之以即強敵猶鳩
鵠捕鷹鷂豚羊弋豺虎是以每戰常負王旅
不振張角懷挾妖偽遐邇搖蕩八州花發烟
炎絳天牧守梟裂流血成川爾乃遠徵三邊
殊俗之兵非我族類忿鷙縱橫多僵良善以
為已功財貨糞土哀夫民氓迂流之咎見出
在茲不教而戰是謂棄之跡自禍敗豈虛也
或春秋家不藏甲所以一國威抑私力也今
雖四海殘壞王命未洽可折衝
歷難若指以掌故置右扶風
皆置諸曹掾
史新論曰王莽時置西海郡令其吏皆百
石親事一日為四百石二歲而廷補本
注曰諸曹略如公府曹無東西曹
曰河南府
掾出考按
與從事同
有功曹史主選署功勞有五官掾
署功曹及諸曹事其監屬縣有五部督郵曹

掾一人正門有亭長一人主記室史主錄記
書催期會無令史閣下及諸曹各有書佐幹
主文書漢官曰河南尹負吏九百二十七人
十二人百石諸縣有秩三十五人官
屬掾史五人四部督郵吏部掾二十六人按
獄仁恕三人監津渠漕水掾二十五人百石
卒吏二百五十人文學守助掾六十人書佐
五十人循行二百三十人幹小史二百三十
人屬官每縣邑道大者置令一人千石其次
置長四百石小者置長三百石侯國之相秩
次亦如之應劭漢官曰前書百官表云萬戶
以上為令萬戶以下為長三邊始
孝武皇帝所開縣戶數百而或為令荆揚江
南七郡唯有臨湘南昌吳三令爾及南陽穰

中土沃民稠四五萬戶而為長桓帝時以江
南陽安為女公主邑改號為令主薨復復其
故若此為繫其本俗說令長以水土為之及
秩高下皆無明文班固通儒述一代之書斯
近其本注曰皆掌治民顯善勸義禁姦罰惡
理訟平賊恤民時務秋冬集課上計於所屬
郡國胡廣曰秋冬歲盡各計縣戶口墾田錢穀入出盜賊多少上其集簿丞尉以下歲詣郡課校其功多尤為殿者於後曹別責以之以勸其後負多尤為殿者於後曹別責以糾怠慢也諸對辭窮尤困收主者掾史閔白太守使取法丞尉縛責以明下轉相督勅為民除害也明帝詔書不得膠厚黃綬以別小人吏也

凡縣主蠻夷曰道公主所食湯沐曰國縣萬

戶以上為令不滿為長侯國為相皆秦制也

史記秦并天下夷郡縣鑄兵刃示不復用丞各一人尉六縣二人

小縣一人本注曰丞署文書典知倉獄尉主

盜賊凡有賊發主名不立則推索行尋案察

姦宄以起端緒應劭漢官曰大縣丞左右尉

丞命卿各署諸曹掾史本注曰諸曹略如郡

負五官為廷掾監鄉五部春夏為勸農掾秋

冬為制度掾漢官曰雒陽令秩千石丞三人

右尉四百石負吏七百九十六人十三人四百石鄉有秩獄吏五十六人佐史鄉佐七十

七人斗食令吏嗇夫假五十人官掾史幹小
史二百五十人書佐九十人循行二百六十
人

鄉置有秩三老游徼本注曰有秩郡所署秩

百石漢官曰鄉戶五千則置有秩掌一鄉人風俗通曰秩則田闢大夫

言其官裁其鄉小者縣置嗇夫一人風俗通曰嗇者

省也夫賦也言消皆主知民善惡為役先後

知民貧富為賦多少平其差品三老掌教化

凡有孝子順孫貞女義婦讓財救患及學士

為民法式者皆扁表其門以興善行游徼掌

徼循禁司姦盜又有鄉佐屬鄉主民收賦稅

風俗通曰國家制亭有亭長以禁盜賊本注曰亭長主求捕盜

賊承望都尉漢官儀曰民年二十三為正一歲以為衛士一歲為材官騎士

習射御騎馳戰陣八月太守都尉令長相丞

尉會都試課殿最水家為樓船亦習戰射行

船過郡太守各將萬騎行障塞烽火追虜置

長史一人丞一人治兵民營兵行長領置部

尉千人司馬候農都尉皆不治民不給衛士

材官樓船年五十六老衰乃得免為民就田

應合選為亭長亭長課徼巡尉游徼亭長皆

習設備五兵五兵弓弩戟楯刀劍甲鎧鼓吏

漢書卷之八

九

二里半司姦盜亭長持一尺板以勅賊索繩以收執賊風俗通曰漢家因秦大率十里一亭亭留也蓋行旅宿會之所館亭中置吏吏舊名負弩改為長或謂亭父

里有里魁民有什伍善惡以告本注曰里魁掌一里百家什主十家伍主五家以相檢察民有善事惡事以告監官

風俗通曰周禮五里者止也里有司司五十家共居止同事舊欣通其所也邊縣有障塞尉

本注曰掌禁備羗夷犯塞

太公陰符曰武王之要太公曰其本在吏武王曰吏者治也所以為治其亂者何太公曰故吏重罪有十武王問吏之重罪太公曰一吏苛刻二吏不平三吏貪汚四吏以威力迫脅於民五吏與吏

合姦六吏與人亡情七吏作盜賊使人為耳目八吏賤買賣貴於民九吏增易於民十吏振懼於民夫治者有三罪則國亂而民愁盡有之則民流亡而君失其國武王曰民亦有罪乎太公曰民有十大於此除者則治國而民安武王曰十大何如太公曰民勝吏溥大臣一大也民宗強侵陵群下二大也民甚富傾國家三大也民尊親其君天下歸慕四大也眾暴寡五大也民有百里之譽千里之交六大也民以吏威為權七大也恩行於吏八大也民服信以少為多奪人用宅贅人婁子九大也民之基業畜產為人吁苦十大也所謂一家害一里一里害諸侯諸侯害天下武王曰絕吏之罪塞民之大柰何太公曰察民之暴吏明其賞審其誅則吏不敢犯罪民不致大也武王曰是民吏相同上下不和而告其讎太公曰為君守成為吏守職為民守事如此各居其道則國治國治則都洽都洽則

里治里治則家治家治則善要分明善惡分
明則國無事國無事則吏民外不懷怨內不
激事其郡有鹽官鐵官工官都水官者隨事廣
狹置令長及丞秩次皆如縣道無分士給均
本吏本注曰凡郡縣出鹽多者置鹽官主鹽
稅出鐵多者置鐵官主鼓鑄胡廣曰鹽官培
鑿井煮海水而以得之者鑄銅為器
械當鑄治之時扇熾其火譯之鼓鑄有工多
者置工官主工稅物有水池及魚利多者置
水官主平水牧漁稅在所諸縣均差吏更給
之置吏隨事不具縣負

使匈奴中郎將一人比二千石本注曰主護

南單于置從事二人有事隨事增之掾隨事

為負護羌烏桓校尉所置亦然廉劭漢官曰

南設官府掾史單于歲遣侍子來朝謁者常
送迎焉得賂弓馬氈罽他物百餘萬謁者事
訖還具表付帑
藏詔書刺自受

護烏桓校尉一人比二千石本注曰主烏桓

胡應劭漢官曰擁節長史一人司馬二人皆
六百石并領鮮卑客賜質子歲時胡市焉
晉書曰漢置東夷
校尉以撫鮮卑

護羌校尉一人比二千石本注曰主西羌應劭

漢官曰籀節長史司
馬二人皆六百石

皇子封王其郡為國每置傅一人相一人皆
二千石本注曰傅主導王以善禮如師不臣
也相如太守有長史如郡丞漢初立諸王因
項羽所立諸王之制地既廣大且至千里又
其官職傅為太傅相為丞相又有御史大夫
及諸卿皆秩二千石百官皆如朝廷國家唯
為置丞相其御史大夫以下皆自置之胡廣曰後漢妻數無限別乃制設正適曰至景帝時吳
妃取小夫人不得過四十人

楚七國恃其國大遂以作亂幾危漢室及其
誅滅景帝懲之遂令諸王不得治民令內史
主治民改丞相曰相省御史大夫廷尉少府
宗正博士官武帝改漢內史中尉郎中令之

名前書曰改漢內史為京兆尹中尉為執金吾郎中令為光祿勳而王國如

故負職皆朝廷為署不得自置至漢成帝省

內史治民更令相治民漢舊儀曰大司空何武奏罷內史相如太

守中尉如都尉參職是後中臣太傅但曰傅

尉爭權與王相奏常不和也昭曰觀夫高祖之創業也豈直鴻勳碩德大庇羣生蕩其毒虐厝之和泰而已哉至於謀深

慮又封建子弟蕃維盤固規謀弘遠及於三
趙不終燕靈矢絕齊代淮楚皆為外重故宋
昌曰外畏齊楚淮南斯非效歟事過則弊孰
或通之全國之難誠固財物之富作衛之益
亦既得之於前矣故賜以几杖用息姦謀嗣
隕高下恐生有以逮連師構亂兵交梁闕禦
侮摧寇肇自密威景帝遂削蕃國之權刻骨
肉之撈封為君而不聽治其民置為主而稍
賤其臣矯枉過甚遂臻于此呂霍之危朝右
族愈貴於來寵吳楚之叛奔侯王恒借以受
誦故賈誼欲眾建以少其力列虛以侯其生
此乃達觀深識監于親陪之要者也豕嗣必
傳萬里之地分支欲使動搖不得於經維遠
箒且已礙矣復哀平之際劉氏徧於四海宗
正著錄遂以萬數及乎後漢彌循前迹光武
十子並列畿外近郡孝明八國不能開庇遠
以本枝之援終以少固若使漢分兩越置二

三親國剖吳楚樹數四列蕃割遼海而分皇
枝開隴蜀而王子弟使主尊顯依漢初之貴
民無定限許滋養之富若有昏虐之嗣可得
廢而不得削必傳劉氏民信吁奉發其侵伐
兼并之釁峻其他族篡殺之科制其入貢輕
重之法跡其來朝往復之數君君臣臣求許
百世之期一國之民長無遷動之志四方得
志聽離官列封懷賢抱智隨所適樂土強弱
相侔遠近相推舉其大歸略其小滯與其畫
一班之海內天子之朝自非異姓僭奪不得
與勤王之師諸蕃國自非藉互篡主不降討
伐之詔犬牙相經共為嚴國雖王莽善盜將
何因而敢竊曹操雄勇亦安能以得士斯無
俟拯聖然克行明賢粗識亦足立故父子首
足也昆弟四支也當使筋骨髓血動靜足以
出勝長短小大幹用足以相衛豈有割脛致
肢取骨肉以增頭刻背露骨剥膏腴以裨額
而謂顛顛魁岸可得比壽松晉喉咽擁腫必

長生又視或漢氏得之微猶能四百載魏
人失之甚不滿數十年爰自晉世矯枉太過
入列皇朝非簡賢之授唯親是貴無愚智之
辨不能勝衣冠早據公相之尊童蒙幼子過
登槐嶽之位職應論道而未離保母之養續
侯賦政而服二三尺衣英賢大度稟彼昏雅
高才碩儒恭承額識公餗獲而不憂羨錦碎
而愈截兼授若流迴遷競路才駑任重功渺
譽多曉北名於公且夕同罪於盜跖褒稱無
位可以充德貶退刑輟不足以塞咎或力強
濟聲實隆重嫌猜畏逼身受其弊覆滅分體
若梟仇寇齎粉同氣有過他逆忠貞之士橫
罹其凶志節之人狼狽其禍關伯實沉繼踵
史筆顯思顯甫北有國書趙倫以蠢愚排天
齊攸以賢明謝世枉鬱珍夷冤孫就盡不可
勝載矣豈周漢之君多孝悌之性晉宋之王
稟豺狼之情蓋事勢使之然也朝行斯術夕
窳崩亂未能革悛來事愈甚蒼生為此將盡

矣四海為此構賊矣聖帝英君欲反斯敗必
當更開同姓之國置不增之約罷皇胤入官
之禍守盟性礪河之篤乃可還
嶮墜之路反乎全安之轍也

中尉一人比二千石本注曰職如郡都尉主

盜賊東觀書曰其紹封削絀者郎中令一人

僕一人皆千石本注曰郎中令掌王大夫郎

中宿衛官如光祿勳自省少府職皆并焉僕

主車及馭如太僕本注曰太僕比二千石武

帝改但曰僕又皆減其秩治書比六百石本

注曰治書本尚書更名大夫比六百石本注

曰無負掌奉王使至京都奉璧賀正月及使
諸國本皆持節後去節謁者比四百石本注
曰掌冠長冠本負十六人後減禮樂長本注
曰主樂人衛士長本注曰主衛士醫工長本
注曰主醫藥永巷長本注曰宦者主宮中婢
使祠祀長本注曰主祠祀皆比四百石
至此皆四百石即中二百石本注曰無負衛公宋公
本注曰建武二年封周後姬常為周承休公
五年封殷後孔安為殷紹嘉公十三年改常

為衛公安為宋公以為漢賓在三公上

五經通義

二王之後不考功有誅無絀鄭玄曰王者存
二代而封及五郊天用天子禮以祭其始祖
行其正朔此謂通三統也三恪者敬其先聖
封其後而已無殊異者也

列侯所食縣為侯國本注曰承秦爵二十等
為徹侯金印紫綬以賞有功功大者食縣小
者食鄉亭得臣其所食吏民後避武帝諱為
列侯武帝元朔二年令諸王得推恩分衆子
土國家為封亦為列侯舊列侯奉朝請在長
安者位次三公中興以來唯以功德賜位特

進者次車騎將軍

胡廣漢制度曰功德優盛朝廷所敬異者賜特進在

三公下不賜位朝侯次五校尉賜位侍祠侯

次大夫其餘以肺附及公主子孫奉墳墓於

京都者亦隨時見會位在博士議郎下

胡廣制度

曰是為諸王封者受茅土歸以立社稷禮也

猥諸侯胡廣曰諸王受封皆受茅土歸立社稷本朝

為宮室自有制度至於列侯歸國者不受茅

土不立宮室各隨貧富列士特進朝侯賀正

月執璧云每國置相一人其秩各如本縣本

注曰主治民如令長不臣也但納租于侯以

戶數為限其家臣置家丞庶子各一人本注

曰王侍侯使理家事列侯舊有行人洗馬門

大夫凡五官中興以來食邑千戶已上置家

丞庶子各一人不滿千戶不置家丞又悉省

行人洗馬門大夫

關內侯

如淳曰列侯出關就國侯但爵身其有家累者與之關內之邑食其租稅

也古今注曰建武六年初令關承秦賜爵十

九等為關內侯無土寄食在所縣民租多少

各有戶數為限

荀綽晉百官表注曰時六國未平將帥皆家禁中故以為

號劉劭爵制曰春秋傳有庶長鮑商君為政
備其法品為十八級合關內侯列侯凡二十
等其制因古義古者天子寄軍政於六卿居
則以田警則以戰所謂入使治之出使長之
素信者與眾相得也故啓伐有富乃召六卿
大夫之在軍為將者也及用之六卿亦以居
軍在國也則以比長問胥族師儻正刑長卿
大夫為稱其在軍也則以卒伍司馬將軍為
號時以異在國之名也秦依古制其在軍賜
爵為等級其帥人皆更卒也有功賜爵則有
軍吏之例自一爵以上至不更四等皆士也
大夫以上至五大夫五等比大夫也九等依
九命之義也自左庶長以上至大庶長九卿
之義也關內侯者依古圻內子男之義也秦
都山西以關內為王畿故曰關內侯也列侯
者依古列國諸侯之義也然則卿大夫士下
之品皆放古比謂之制而異其名亦所以殊
車也古者以車戰兵車一乘步卒七十二

人分翼左右車大夫在左御者處中勇士居
右凡七十五人一爵曰公士公士者步卒之
有爵為公士者二爵曰上造造成也古者成
士升於司徒曰造士雖依此名皆步卒也三
爵曰簪褭御駟馬者要褭古之名馬也駕駟
馬者其形似簪故曰簪褭也四爵曰不更不
更者為車右不復與凡更卒同也五爵曰大
夫大夫者在車左者也六爵為官大夫七爵
為公大夫八爵為公乘九爵為五大夫皆軍
吏也吏民爵不得過公乘者得貫與子者同
產然則公乘者軍吏之爵最高者也雖非臨
戰得公卒車故曰公乘也十爵為左庶長十
一爵為右庶長十二爵為左更十三爵為中
更十四爵為右更十五爵為少上造十六爵
為大上造十七爵為駟車庶長十八爵為大
庶長已上至大庶長皆卿大夫皆軍將也所
將皆庶人更卒也故以庶更為名大庶長即

大將軍也左右庶長即左右偏裨將軍也古
今注曰成帝鴻嘉三年令吏民得買爵級千
錢

四夷國王率眾王歸義侯邑君邑長皆有丞

比郡縣

百官受奉例 古今注曰建武二十六年四月
戊戌增吏奉如此志例以明也

大將軍三公奉月三百五十斛中二千石奉

月百八十斛二千石奉月百二十斛比二千

石奉月百斛千石奉月八十斛六百石奉月

七十斛比六百石奉月五十斛四百石奉月

四十五斛比四百石奉月四十斛三百石奉

月四十斛比三百石奉月三十七斛二百石

奉月三十斛比二百石奉月二十七斛一百

石奉月十六斛斗食奉月十一斛 漢書音義
曰斗食祿



日以斗 佐史奉月八斛 古今注曰永和三年
初與河南尹及雒陽

負吏四百二十七人奉月四十五斛臣昭曰
此言豈其妄乎若人人奉四十五斛則四百

石秩為太優而無品若共進
奉者人不過一斗亦非義理 凡諸受奉皆半

錢半穀 荀綽管百官表注曰漢延平中中二
千石奉錢九千米七十二斛真二千

石月錢六千五百米三十六斛比二千石月
錢五千米三十四斛一千石月錢四千米三



十斛六百石月錢三千五百米二十一斛四百石月錢二千五百米十五斛三百石月錢二千米十二斛二百石月錢一千米九斛百石月錢八百米四斛八斗獻帝起居註曰帝在長安詔書以三輔地不滿千里而軍師用度非一公卿已下不得奏除其若公田以秩石為率賦與令各自收其租稅

贊曰帝道淵默冢帥脩德寡以御衆分職乃克不置不監無驕無忒程是師徒寧民康國

後漢書志第三十八 張卓王鰲校正

文化茂辰

